

**UNTUK SIARAN SEGERA**



**KENYATAAN MEDIA  
KEMENTERIAN PENDIDIKAN MALAYSIA**

**SEKOLAH DIARAH UNTUK PATUHI GARIS PANDUAN  
PENYALURAN BANTUAN AWAL PERSEKOLAHAN KEPADA  
MURID**

Kementerian Pendidikan Malaysia (KPM) prihatin terhadap beberapa aduan yang diterima mengenai penyaluran peruntukan Bantuan Awal Persekolahan (BAP) kepada murid.

Pihak sekolah perlu mematuhi semua garis panduan berkaitan pelaksanaan BAP. Penyaluran bantuan bernilai RM150 bagi setiap murid perlu diberi tanpa melakukan sebarang bentuk pemotongan.

BAP bernilai RM150 bagi setiap murid dilaksanakan bertujuan untuk meringankan beban perbelanjaan persekolahan pada awal tahun yang ditanggung oleh ibu bapa/penjaga. Penyaluran BAP dilakukan melalui sekolah secara kredit ke akaun murid atau secara tunai.

Sebarang pertanyaan atau aduan mengenai penyaluran BAP boleh dibuat menerusi Sistem Pengurusan Aduan Awam (SISPAA) KPM.

**-TAMAT-**

**KEMENTERIAN PENDIDIKAN MALAYSIA  
27 JANUARI 2024**